



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

De Controversijs Polemicis, & Scholasticis, etiam modernis

**Archdekin, Richard**

**Antverpiæ, 1682**

Controversia 4. De Gratia Divina.

**urn:nbn:de:hbz:466:1-40853**

## CONTROVERSIA QUARTA

### De Gratia Divina.

Inter Doctores Catholicos etiam hoc tempore variae, gravissimæque controversiæ agitantur de Gratia divinæ virtute, necessitate, sufficientia, efficacia &c. Horum dogmata inter se non parum dissidentia necesse est à damnatis Hæreticorum erroribus accuratè discernere, & singulorum opinionum Authores ab fundamenta cognoscere, ne contingat divini Verbi ministros, dum aut orthodoxos docent, aut heterodoxos oppugnant, aliquid de his imperitè pronunciare.

Fuerunt hæ de Gratia præsertim sufficienti & efficaci controversiæ inter celeberrimas quæstiones coram Summis Pontificibus Romæ disputatas circa annum 1606. in Articulo 7. & 8. quæ quindecim propositiones summâ Disputantium contentione eventilatas continebant, Fuerunt & de his instauratae lites Baianæ, aliæque cum his concatenatæ. Nec defunt de iisdem hodie acerrima plurium Scholarum certamina, quæ in decursu distinctius proferentur.

#### S. 4.

*Quid sit, & quotplex Gratia Actualis, & quales de ea errores Pelagi &c.*

Gratia actualis rectè dicitur, dominum naturæ indebitum peculiariter conferens ad beatitudinem supernaturalem. Hæc est communis

nis doctrina Theologorum, quamvis aliter non nihil sensisse Baium infra patet. Desumitur illa notio gratiae ex Apostolo ad Romanos cap. 11. *Si gratia jam non ex operibus, alioqui gratia jam non est gratia.* Et confirmatur ratione: Quia sicut ipsa beatitudo, sive clara Dei visio, est donum naturae indebitum, ita necesse est ut gratia, quae ad eam obtainendam naturae impotentiam sublevat, sit singulare donum quod naturae vires excedit.

Dividitur hæc gratia in Operantem, cooperantem, excitantem, adjuvantem, prout vario modo concurrit ad actum voluntatis creatæ. Item in gratiam sufficientem, & efficacem, quæ infra exponentur.

Circa annum Christi quadragestimum emersit Pelagius, qui professione dicitur monachus, & natione Scotus. Is tempore S. Augustini acerrimus Gratiæ impugnator fuit: contra illum strenue dimicavit idem Augustinus, fueruntque ejus errores damnati à Concilio Palestino, & ab aliis in Africa, & in Gallia à Concilio Arausiano, variisque Pontificibus.

Docuit Pelagius primò, nullum dari peccatum originale, & infantes esse in eo statu quo fuit Adamus ante prævaricationem, quem voluit nihil nocuisse posteris, nisi solo peccandi exemplo.

Secundò, Infantes non Baptizatos habituros vitam, & felicitatem quandam æternam, sed in regnum cælorum non admittendos.

Tertiò, Homines posse per solas vires naturæ legem Dei implere, & cognitis præceptis, sine adjutorio gratiae Salvatoris ad eam perfectiōnem pervenire, ut non sit necessarium dicere: *Dimitte nobis debita nostra.*

Post-

Postquam hæc pestifera hæresis ab Ecclesia reprobata est , non ita potuit penitus aboleri , quin aliquæ ex ea Reliquæ subtiliori veneno plurimos inficerent , & hi dicti sunt Semipelagiani.

Itaque Semipelagiani , admisso peccato originali & imbecillitate naturæ , quæ integra fuerat in Adamo , docuerunt aliquam gratiam Christi ad salutem esse necessariam , sed eam subesse voluntatis nostræ arbitrio , eo quod per initium viribus naturæ credendi , quærendi &c. eam possimus obtinere. Et probabilius est eos hanc gratiam intellectus non tantum de illuminatione supernaturali intellectus , sed etiam de corroboratione voluntatis. De his S. Augustinus lib. de grat. & lib. arbit. cap. 14. sic loquitur ut afferat convictos esse illos Inflatores liberi arbitrij , quod Gratia divina non tantum sit Dei scientia , & natura , sed faciat ut lex impleatur , & istos ad hoc se convertere , quod gratia secundum merita nostra detur.

Docuerunt secundò , Multis prædicari Evangelium merè ob conditionatè præcognitam bonam eorum voluntatem ; quin & infantes aliquos ideo obtainere Baptismum , alios verò Baptismo destitui , quia nempe præcognovit Deus si viverent rectè usuros bona voluntate , atque ita habituros ex se initium credendi , alios verò non rectè usuros , ideoque cælo exclusos. Patent hac ex Epist. Prosperi ad S. Augustinum , ubi ita concludit : Novo absurditatis genere , & non agenda præscita sunt , & præscita non acta. Quod nempe infantes dicerentur præsciri meritorie acturi ex viribus naturæ , cum tamen sine gratia nemo possit meritorie operari , nec infantes illi , unquam fuerint actu operaturi.

Docue-

Docuerunt tertio , Perseverantiam in bonis operibus & justitia , ac tandem electionem ad gloriam maximè fundari in viribus naturæ: credebant enim Perseverantiam non esse peculiare donum gratiæ , sed hominem per vires naturæ persistendo in fide & desiderio salutis, posse illam promereri, ac ipsam prædestinationem ad gloriam, quam nolebant à peculiari Dei beneplacito dependere , ne aliàs foret acceptor personarum. Ita habet Epist. Hilarij ad Augustinum , & ipse Augst. lib. de bono persev. cap. 17. Neque refert quod Semipelagiani , ad perverrandum in adimplendis præceptis. Dei gratiam requirerent, quia eam volebant dependere à naturali permanentia in fide , & desiderio salutis tanquam merito. Et hoc tantum sensu sepe damnatum est, gratiam ancillari voluntati, eam subsequi, non autem prævenire &c. Quæ omnia solerter annotanda, ut natura gratiæ , & doctrina Catholica ritè percipiatur.

Ubi ad extremum adverte , modernos Sectarios hos quidem errores aversari , sed insipientium more in altero extremo, soli gratiæ omnia attribuendo , in gravissimas hæreses prolabi: dum docent cum Calvino , Quidquid sit sine gratia multis modis contaminari : gratiam non consistere cum libertate à necessitate , sed tantum cum libertate à coactione : neminem à salute excidere posse post acceptam gratiam conversionis, & alia errorum monstra, quæ in Controversiis de gratia & prædestinatione supra notavimus.

*An possibile sit hominem condi in statu puræ naturæ  
absque dono supernaturali gratiæ.*

**S**TATUS PURÆ NATURÆ EST, IN QUO HOMO TANTUM  
FORTIATUR PERFECTIONES NATURÆ DEBITAS, & OR-  
DINETUR AD BEATITUDINEM NATURALEM DISTINCTAM  
À CLARA DEI VISIONE. HUNC STATUM PRORSUS IMPOSS-  
IBILEM ESSE, POST BAJUM, ITA DEFENDIT JANSENIUS  
IPRENSIS LIB. I. & 2. DE STATU PURÆ NAT. UT POSSI-  
BILITATIS ISTIUS ASSERTORES PROCLAMET REOS ESSE PE-  
LAGIANISMUS, DOCTRINÆ AUGUSTINIANÆ CORRUPTO-  
RES, & DIVINÆ JUSTITIAE AC PROVIDENTIAE EVERFORES.  
UNDE ULTERIUS DOCET, SINE JUSTITIA, & BONA VOL-  
UNTATE CREATORUM RATIONALEM À DEO CONDI NON  
POSSE, NEQUE CREATORÆ INNOCENTI SINE INJUSTITIA  
BEATITUDINEM SUPERNATURALEM NEGARI, NEQUE  
POSSE MORTI AC MISERIIS OBNOXIAM RELINQUI. EX  
QUIBUS APERTÈ SEQUITUR GRATIAM DIVINAM NON  
ESSE DONUM NATURÆ INDEBITUM.

AT CONTRA, OMNINO DICENDUM EST, POSSIBILE  
ESSE STATUM PURÆ NATURÆ. ESTQUE HÆC COMMUNI-  
S THEOLOGORUM DOCTRINA CUM D. THOMA. I.  
PART. QUÆST. 59. ART. 1. & ALIBI FREQUENTER. CON-  
SENTIT SCOTUS IN 2. DIST. 28. QUÆST. UNICA. NOMI-  
NALES, ALIIQUE DOCTORES, AC PARENTES, QUI EX ILLO AD  
ROMAN. 5. CHARITAS DEI DIFFUSA EST IN CORDBUS NO-  
BIS PER SPIRITUM SANCTUM QUI DATUS EST NOBIS, DEDUC-  
UNT GRATIAM ACTUALEM, AC VERAM JUSTITIAM ESSE  
SINGULARE DONUM NOBIS INDEBITUM; ERGO NATURA  
NON POTESIT ILLAM GRATIAM, QUÆ AD JUSTITIAM &  
CHARITATEM ORDINATUR, ITA SIBI VINDICARE, UT NON  
POSSIT SINEILLA CREATRI. IDQUE CONFIRMATUR EX S.

Aug-

Augustino tum alibi, tum lib. 3. contra Maximum cap. 15. Homo ad Dei similitudinem factus, non est verus filius, & ideo fit gratiâ filius quia non est naturâ.

Probatur 2. ex Decreto trium Pontificum contra Michaelis Baij propositionem 26. Integritas prima creationis non fuit indebita humana natura exaltatio, sed naturalis ejus conditio: Et prop. 55. Deus non potuisset ab initio talem creare hominem qualis nunc nascitur. Ergo ex sensu Ecclesiæ doctrinæ Bajanæ opposito, potuit homo ab initio creari quali nunc nascitur absque sanctitate, & dono integritatis, qui esset status puræ naturæ. Et verò ratio ipsa docet, dona quibus constituitur status innocentiae, neque esse proprietates naturæ humanæ per se spectatae, neque ea ex meriti illi deberi, cum hominis creatio nullum meritum præsupponat, ac proinde nihil obesse quo minus poslit in statu puræ naturæ donis illis orbata creari, obnoxia concupiscentiae, & morti, & miseriis statum hominis naturalem consequentibus; munienda tamen fuisset tunc natura humana præsidiis ordinis naturalis, quibus possit peccata evitare.

Obiicies primò: S. Augustinus lib. 3. de peccat. meritis cap. ult. & passim in Opere imperfecto, & alibi, agens contra Pelagianos urget, frustra Baptizari infantes, quia innocentiae naturali annexa est sanctitas & gratia. Hoc verò argumentum nullius foret roboris si possibilis esset status puræ naturæ.

Respondeo primò, hoc argumento nimium probari: inde enim sequeretur quod Augustinus plus attribuerit naturæ secundum se, quam ipse Pelagius: quia hic negabat naturæ parvolorum etiam innocentie debitam esse adoptionem

nem in filios Dei, ad veram sanctitatem, & gloriam, ideoque in ordine ad hæc dona obtinenda asserebat Baptismum esse necessarium: quod si S. Augustinus vellet dona ista sic debita esse naturæ ut non possit sine illis creari, in efferenda natura longè Pelagium antecederet, quod nemo admiserit.

Respondeo igitur secundò, dum asserit S. Augustinus, si abesset originale, innocentiae naturali annexam fore Sanctitatem & gratiam, illum procedere ex suppositione providentiae supernaturalis jam à Deo constitutæ, & promissæ de justitia infundenda ubi non esset obex peccati. Cum enim eo nunc supposito non detur status medius inter statum justitiæ & peccati, rectè arguit contra Pelagianos, si dicant infantes esse sine peccato originali, illos esse in statu justitiæ, adeoque frustra Baptizari ad justitiam obtainendam, aut peccatum expiandum. Hoc itaque dictum S. Augustini juxta præsentem rerum statum, nihil facit contra statum puræ naturæ possibilem.

Obiicies Secundò: S. Augustinus lib. de Spiritu & littera cap. 27. contendit hominum naturaliter esse Dei imaginem, & statum gratiæ illi, esse naturalem &c. Hoc, inquit, agit Spiritus gratiæ ut imaginem Dei, in qua naturaliter facti sumus, in nobis restauret: Et lib. 3. de libero arbitri cap. 18. ait, errare, torqueri &c. non est natura instituti hominis, sed pæna damnati. Ergo status innocentiae fuit Adamo naturaliter debitus, adeoque status puræ naturæ impossibilis.

Respondeo neg. consequentiam. Sed ideò tantum tradit nos in imagine Dei naturaliter conditos, quia ipsa natura secundum se considerata,

380 *Part 2. Controv. 4 De Gratia divina.*  
rata, est quædam Dei imago, & multò magis  
prout fuit in Adamo cum Sanctitate de facto  
creata. Hoc igitur modo rectè dicitur, quod er-  
rare, aut torqueri, non sit secundum naturam  
instituti hominis, prout scilicet cum singularibus  
Dei donis de facto condita fuit. Hinc, *naturali-  
ter*, non sumitur ibi prout opponitur statui su-  
pernaturali, sed illi qui est contra naturam, &  
morales defectus qui eam comitantur. Et hac  
ratione solvuntur dicta quædam aliorum Pa-  
trum, dum afferunt dignitatem illam Adamo  
fuisse naturalem, tantum enim volunt eam fuisse  
Adamo concretam, sicut dicimus illum na-  
turalem esse hæredem coronæ, cui contingit  
nasci cum jure ad regni coronam, quamvis ab-  
solutè sine isto jure nasci potuerit.

## CONTROVERSIA QUINTA.

An, & qualis detur Gratia Sufficiens.

### S. I.

*Exponitur status Controversia.*

**G**ratia sufficiens sumi potest prout opponi-  
tur insufficienti, quæ ad certum effectum  
v.g. ad amorem Dei nec proximè, nec remotè  
sufficit. Gratia verò sufficiens huic opposita  
alis est, ut possit vel proximè, vel remotè certum  
actum v.g. Dei amorem inferre; proximè qui-  
dem, si præter eam alia gratia non requiratur,  
remotè verò si non sufficiat per se ad amorem  
eliciendum, possit tamen sufficere ad actum fi-  
dei, vel alium, per quem obtinebitur gratia ul-  
terior ad Dei amorem requisita.

Sed